

27-10-2021
U 111.002

1601¹⁰
16.10.21

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Usvajeno na 49. sjednici

Broj: 20-04-18-2077/21
Sarajevo, 26.10.2021. godine

Eastup. portanje
kao odgovor (made?)

VLADA KANTONA SARAJEVO
-STRUČNA SLUŽBA VLADE-

Predmet: Informacija, dostavlja se.-

Veza: Akt Skupštine Kantona Sarajevo, broj: 01-04-35565/21 od 29.09.2021. godine
(zaprmljen u Uredu dana 20.10.2021. godine)

Shodno članu 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj 40/20-prečišćeni tekst), u prilogu dostavljamo predmetnu informaciju, vezano za akt broj i datum veze.

S poštovanjem,




Priloga: 1.

Dostaviti:

1. Naslovu;
2. a/a.





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-18-2077/21
Sarajevo, 26.10.2021. godine

VLADA KANTONA SARAJEVO
-STRUČNA SLUŽBA VLADE-

Predmet: Informacija, dostavlja se.-

Veza: Akt Skupštine Kantona Sarajevo, broj: 01-04-35565/21 od 29.09.2021. godine
(zaprmljen u Uredu dana 20.10.2021. godine)

Zastupnica u Skupštini Kantona Sarajevo Jasmina Bišćević Tokić, na 42. Radnoj sjednici Skupštine Kantona Sarajevo, održanoj dana 28.09.2021. godine, u skladu sa članovima 211. i 214. Poslovnika Skupštine Kantona Sarajevo, uputila je zastupničko pitanje Vladi Kantona Sarajevo sljedećeg sadržaja:

„Premijer Vlade Kantona Sarajevo je na press konferenciji javnost obavijestio da su u više preduzeća pronašli zaposlenike sa falsifikovanim diplomama. Šta će biti sa pojedinim slučajevima koji su ušli u zastaru pa zbog toga ne mogu biti krivično gonjeni? Na koji način se može dokazati da su falsificirane diplome ako se radi o zastari?“

S tim u vezi, a radi lakše pripreme odgovora na postavljeno zastupničko pitanje, te imajući u vidu činjenicu da Ured za borbu protiv korupcije i upravljanje kvalitetom Kantona Sarajevo na osnovu Zaključka Vlade Kantona Sarajevo od 13.12.2019. godine, provodi postupak provjere diploma, informišemo Vas kako slijedi.

Dana 13.12.2019. godine, Vlada Kantona Sarajevo je na svojoj 51. sjednici, donijela **Zaključak, broj: 02-05-43114-18/19 od 13.12.2019. godine**, kojim je prihvaćena inicijativa Ureda za pokretanje revizije diploma zaposlenih u organima uprave, stručnim i drugim službama Kantona Sarajevo, institucijama, zavodima, agencijama, direkcijama, javnim ustanovama, javnim preduzećima i pravnim licima čiji je osnivač Kanton Sarajevo. Tačkom 2. citiranog Zaključka, Vlada Kantona Sarajevo zadužila je Ured da putem institucija iz tačke 1. Zaključka, od obrazovnih ustanova koje su izdale diplome o stečenoj stručnoj spremi njihovih zaposlenika, u skladu sa podacima iz personalnog dosjea, zatraže provjeru vjerodostojnosti istih.

Od dana donošenja navedenog Zaključka, pa do danas, Ured intenzivno poduzima svakodnevne aktivnosti na realizaciji istog, pa je tako do sada Ured u toku provođenja postupka revizije diploma, izvršio provjere za oko 5.000 lica, koja su zaposlena u javnom sektoru Kantona Sarajevo, od kojih za ukupno 57 lica obrazovne ustanove nisu mogle potvrditi vjerodostojnost njihovih diploma, dok je za ostala lica potvrđena vjerodostojnost njihovih diploma.



Za gore spomenutih 57 lica, za koja obrazovne ustanove nisu mogle potvrditi vjerodostojnost njihovih diploma, Ured je podnio krivične prijave/informacije Kantonalnom tužilaštvu Kantona Sarajevo (u daljem tekstu: Tužilaštvo), zbog postojanja osnova sumnje da su isti počinili krivično djelo „Krivtvođenje isprave“ iz člana 373. Krivičnog zakona Federacije Bosne i Hercegovine (“Službene novine Federacije BiH” br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17).

U proteklom periodu, Ured je od strane Kantonalnog tužilaštva Kantona Sarajevo obaviješten da je ovo Tužilaštvo, na osnovu dostavljenih krivičnih prijava Ureda, podiglo optužnice protiv 5 lica, zbog krivičnog djela „Krivtvođenje isprave“, a koje su i potvrđene od strane nadležnog suda.

Pored toga, Ured je od strane ovog Tužilaštva zaprimio i 4 obavijesti za isto toliko lica, u kojima je navedeno da ovo Tužilaštvo neće provoditi istragu protiv istih, zbog krivičnog djela „Krivtvođenje isprave“, uz obrazloženje da je nastupila zastara krivičnog gonjenja.

Ono što je bitno istaći na ovom mjestu je da postupajući tužioci u dostavljenim obavijestima Uredu, ne spore da se radi o krivotvorenim javnim ispravama (diplomama), koje su ta lica upotrijebila prilikom zasnivanja radnog odnosa, odnosno na osnovu kojih su zasnovala radni odnos u javnom sektoru, ali samo zbog proteka zakonskog roka u kojem je moguće pokrenuti krivično gonjenje (za krivično djelo „Krivtvođenje isprave“ zastara krivičnog gonjenja nastupa protekom 10 godina od dana izvršenja krivičnog djela), donijete su naredbe o nesprovođenju istrage.

Uzimajući u obzir naprijed navedeno, kao i činjenicu da su očekivanja Ureda da će i u budućnosti, tokom nastavka realizacije postupka revizije diploma, biti još ovakvih slučajeva, jer su mnoga lica zasnovala radni odnos u javnom sektoru Kantona Sarajevo, prije 10 i više godina, Ured je podnio inicijativu Vladi Kantona Sarajevo za izmjenu prvobitnog Zaključka Vlade Kantona Sarajevo od 13.12.2019. godine, koju je Vlada Kantona Sarajevo i prihvatila, te je na sjednici održanoj dana 16.09.2021. godine, donijela **Zaključak, broj: 02-04-34096-26/21 od 16.09.2021. godine**, kojim su izmjenjene tačke 3. i 4. prvobitnog Zaključka, te je između ostalog navedeno da se *„obavezuju svi organi uprave, stručne i druge službe Kantona Sarajevo, institucije, zavodi, agencije, direkcije, javne ustanove, javna preduzeća i pravna lica čiji je osnivač Kanton Sarajevo, da pokrenu interne postupke protiv svojih zaposlenika, za koje Kantonalno tužilaštvo Kantona Sarajevo donese naredbu da se istraga neće provoditi zbog zastare krivičnog gonjenja za krivično djelo „Krivtvođenje isprave“, a sve sa ciljem regulisanja radnopravnog statusa takvih lica, te o pokretanju i okončanju tih postupaka obavijeste Ured za borbu protiv korupcije i upravljanje kvalitetom.“*

Naprijed navedeno iz razloga što je osim krivične odgovornosti (koja će u slučajevima zastare izostati po samoj sili zakona), neophodno i potrebno da takva lica (koja su zasnovala radni odnos tako što su upotrijebili i dostavili poslodavcu diplomu za koju obrazovna institucija u postupku provjere diplome, nije mogla potvrditi njenu vjerodostojnost, i na osnovu koje ta lica i dalje ostvaruju prava iz radnog odnosa), snose i drugi vid odgovornosti, u smislu posljedica po njihov radnopravni status u konačnici. Jer, postavlja se opravdano pitanje kako određeno lice – zaposlenik može izvršavati svoje obaveze iz radnog odnosa, ako posjeduje krivotvorenu diplomu o stečenoj stručnoj spremi, koja je potrebna za obavljanje poslova radnog mjesta na koje je to lice postavljeno?!

Gore navedenom izmjenom prvobitnog Zaključka, poslodavci će biti u obavezi da pokrenu interne postupke protiv svojih zaposlenika, i na taj način regulišu njihov radnopravni status, i u konačnici dovedu oblast radnih odnosa u zakonske okvire, a ujedno će biti poslata i



jasna poruka široj javnosti da se sa krivotvorenim diplomom više ne može zasnovati radni odnos u javnom sektoru, niti se na osnovu iste više mogu ostvarivati prava i benefiti iz radnog odnosa.

Takođe, dana 14.10.2021. godine, ponovo na inicijativu Ureda, Vlada Kantona Sarajevo je donijela još jedan **Zaključak, broj: 02-04-37843-25/21 od 14.10.2021. godine**, kojim je dopunjen prvobitni Zaključak Vlade Kantona Sarajevo od 13.12.2019. godine, te je u istom dodata nova tačka 5. koja glasi: „Zaprimljene obavijesti Kantonalnog tužilaštva Kantona Sarajevo, da se istraga neće provoditi zbog zastare krivičnog gonjenja za krivično djelo „Krivotvorenje isprave“, Ured za borbu protiv korupcije i upravljanje kvalitetom Kantona Sarajevo će dostavljati Vladi Kantona Sarajevo, a Vlada Kantona Sarajevo institucijama iz tačke 3. ovog Zaključka, na čije se zaposlenike odnose predmetne obavijesti.“

Naprijed navedeni Zaključak je donijet iz razloga što se nakon usvajanja izmjena prvobitnog Zaključka Vlade Kantona Sarajevo, koje su izvršene dana 16.09.2021. godine, otvorilo pitanje dostavljanja obavijesti Kantonalnog tužilaštva Kantona Sarajevo o nesprovođenju istrage zbog zastare krivičnog gonjenja za krivično djelo „Krivotvorenje isprave“ poslodavcima, te je Ured predložio da se dostavljanje istih vrši putem Vlade Kantona Sarajevo.

Na kraju je bitno istaći, da će Ured shodno gore navedenoj dopuni Zaključka, koja je izvršena dana 14.10.2021. godine, obavijesti koje je već zaprimio, kao i one koje će vjerovatno u budućnosti zaprimiti, dostavljati Vladi Kantona Sarajevo, a Vlada Kantona Sarajevo, institucijama/poslodavcima na čije se zaposlenike odnose te obavijesti, a sve sa ciljem pokretanja internih postupaka protiv istih i regulisanja njihovog radnopravnog statusa u konačnici.

S poštovanjem,

Dostaviti:

1. Naslovu;
2. a/a.

